

卷之四



石倉十二代詩選

明三續集

明三續集

風萍集

大明

新昌呂繼樞著

候官曹學佺閱

佚我軒漫筆

蘿薜含幽姿林泉足清響閒雲時卷舒好鳥任  
來往卓哉逸民軌遺世恣遐賞蹇余樗散材悞  
落塵中網碌碌逾二紀簿領何鞅掌于今覺昨  
非衡茹思偃仰小軒顏佚我笑傲羲皇上掛瓢  
穎水陽垂綸七里港五柳栽並陶三徑開同蔣



良朋時命駕徒倚憩榛莽揮塵谷風清披襟山  
月朗不問桃李榮但道桑麻長濁酒共斟酌渾  
忘爾我象暇則繹黃庭閉關事玄想采芝兼餌  
木陶然資內養琴鶴有餘閒門前絕輪鞅頽曦  
不復旦逝波日泱泱人非金石身伊誰敝天壤  
聊此樂餘年逍遙曳鳩杖

老將吟

白狼河北千層冰邊風獵獵水泠泠雨雪連天  
晝欲晦胡笳一曲愁遠征壯夫瘴瘥十指墮何  
况將軍兩鬢星請纓年少推終子度羌胡事因  
先零回頭睥睨千將在匣中吼吼露光恠爲言  
磨煉幾經年繡澁魚腸良可慨值今醜類多不  
庭鳴劔伊吾時不再請君試我作先鋒迅掃殘  
槍清紫塞凍膚裂体亦何辞胆寒氊裘始愉快  
洗兵秣馬去復來漫嗟人老玉關外

途中苦寒

抱病苦行役臨風愁路賒飛雲迷斷岫積雪凍  
平沙問酒千村遠驅車落照斜微茫燼樹裏火



歷代詩選  
明臣思  
色動寒鴉

抵都門

汶水舟方發，襄城路轉迷。  
南鴻今又北，東日忽將西。  
簪笏慚新命，煙霞憶舊溪。  
思歸不可得，春草正萋萋。

金山寺

屢過金山寺，扁舟此暫停。  
中流千頃碧，兩岫萬峰青。  
月滿昆盧閣，雲留絕頂亭。  
安禪宜此處，塵夢覺初醒。

次陳去鉉出郭之別業

搖落秋容減，行吟憩小庭。  
願離塵世網，共草太玄經。  
顧我頭偏白，多君眼尚青。  
劇談過夜半，歸路見辰星。

初春漫題

春來堪吏隱，無事誦黃庭。  
岫嶺臨花徑，移床憩草亭。  
酒饌新釀碧，雲遶故山青。  
灼灼桃千樹，漁舟何處停。

榕城道上夜行



亟赴清漳道籃輿逐夜行松陰逗月影竹韻落  
風聲露淨塵襟爽天空暑氣平覆蕉何處鹿一  
夢正三更

汀州道上

蕭瑟寒林正暮秋西風策馬渡汀流滿江碧浪  
飛紅葉夾路芙蓉笑白頭鷗鴈遙分邊塞影葦  
鱸暗動故鄉愁歸心已附南枝鳥應泛山陰雪  
夜舟

望武夷山

使車軋軋夕成陰名勝當前不果臨月滿千峰  
偕鶴影風清九曲起龍吟自嗟白首猶行役頓  
負青山遠素心何日幔亭重訂約扁舟載酒樂  
相尋

次張紹和孝廉見投

日來懶誦稗圭文遙憶家園舊鶴羣笏拄西山  
迎爽氣杯傾北海醉斜暝鶯聲滿谷還思友竹  
影穿簾似對君奇字許多渾未辯寧須載酒叩  
揚雲



八里門

羈客遙從千里來  
家人相對笑登臺  
當年半壘携雲去  
此日扁舟載月回  
徑有花陰堪曳杖  
門無塵鞅好銜杯  
酒闌擊筑歌招隱  
積思牢騷覺漸開

其三

引年自合蚤懸車  
野服翩翩返敝廬  
天姥支郎曾放鶴  
濠梁蒙叟細觀魚  
閒亭月白鳴琴暇  
幽閣風清展卷餘  
了悟萬喧歸一寂  
漫將鐘鼓賦

爰居

雨後遊西湖漫筆

問水亭邊駕小船  
芙蓉兩岬尚依然  
雲橫谷口千山紫  
雨灑湖心萬頃煙  
歌舞偏宜來勝地  
陰晴何必叩蒼天  
晚歸漁火遙相照  
何處鐘聲帶漏傳

九日姑蘇赴開府周座師席

片帆搖曳闔闔城  
兩岬黃花刺眼明  
開府勝筵逢九日  
龍山佳會喜初晴  
共傳秋氣營中肅  
獨



歷代詩選 明中思想 五  
覺春風坐上生吟弄歸來忘醉境燈前覓句破  
殘更

濟陽阻雨

石燕連朝舞未休難將九點辨齊周一天凍合  
關山道兩岼風吟草木愁梅眼隴頭窺驛使鷄  
聲茅屋動吳鈎夜來栩栩莊生蝶飛繞長安舊  
酒樓

聞邸報有感

碌碌風塵念久灰心懸泉石卽蓬萊無煩白簡  
惟人去自有青山招我來別路寒侵孤月影到  
家春逐百花生開預邀二仲開三徑長嘯煙霞共  
舉杯

送章子全令漢陽

才華八斗舊蜚聲蕩節新分出帝京匹馬驕嘶  
燕草碧雙鳧遠引漢江清琴鳴擁月人如玉花  
發晴川錦作城三楚循良誰第一知君匣裏淬  
青萍

送陳汝祐寅丈之任東粵



祖筵簫鼓醉斜陽惜別聊書字八行海國榴花  
舒笑眼津亭柳線縮愁腸棠陰映日垂千畝  
戟連雲向五羊他日并州懷舊侶羅浮清夢遶  
臨漳

謫清漳別駕

待命都門已暮秋忽頒除日謫遐陬  
層雲迥漳海濤連絕島浮漫道士元堪別駕應  
憐司馬泣江州曉來明鏡星如許一片鄉心萬  
里愁

開亭獨坐

雲鎖嵯峨倚太空開亭獨坐對東風  
全凝碧雨過花陰半落紅喜見春光來牖外  
將公事了山中元知散地容樗櫟莫問行年兩  
鬢蓬

閔堂翁行部邀酌八角樓

五馬驂驪值素秋爲携尊酒共登樓  
連天碧圭嶼雲霞滿座收對景已拚今日醉  
時猶展百年籌共誇郡守真仙吏攬轡觀風亦



勝遊

重陽前三日次陳貞鉉郊行訪菊

漳南碌碌嘆淹留  
忽憶騷人出郭遊  
豈爲芙蓉  
秋漸老祇憐叢菊種  
偏幽臨風已覺香沾袂  
顧影何須插滿頭  
薄採一枝歸去晚  
共邀明月醉西樓

碧雲寺

紺宇岌嶷倚碧岑  
天涯薄宦試登臨  
流雲洞裏春常滿  
卓錫庭前水自深  
禪寂不聞鐘磬響  
山空祇覺薜蘿陰  
徘徊頓想還初服  
三徑松筠萬里心

題漁樵耕讀卷

春雨綿綿碧漲溪  
短犁徐過石橋西  
隴頭雲過天將暝  
驅犢長吟百鳥啼

新城道上

馬蹄破霧踏平沙  
鴈影天邊一字斜  
回首江南無限意  
隴頭春色到誰家

漫題



蒲柳蕭蕭兩岼陰傷心萬戶搗寒砧遊人曾記  
江南曲病倚雕欄作越吟

石倉十二代詩選

北二續集卷

鍊菴集

大明

鄞縣全天叙著

曉望

淳孝曹學佺閱

巖壑開新霽清容倍可憐雲中聞水碓竹裏出  
炊煙捷鼠穿松徑飢鳥啄芋田憫農知感激瘠  
土幸豐年

望宛陵道中作

山程日百里瞬息幾重登好鳥歌春樹清溪帶



宛陵村經茅屋冷嶂合水田層想誦驚人句風  
流此郡稱

寧國與史郡公登北樓

自昔宣城守青山獨有緣捲簾通晚翠把酒滴  
吳煙婚嫁含情近功名治郡先閒庭雙鶴好愛  
客舞翩躚

答包文學上書

斗室病維摩滄江夜雨過掩關喧鳥雀掃石蔭  
松蘿厚祿緘題少英才麗藻多飛騰今歲事洗

眼望包何

自叢山關入績溪界

夜榻驚巖電朝溪沸石淙叢山飛棧閣蠻語入  
罅邦選勝齊雲岳尋源漸水江涼颼生肘腋稍  
穩碧油幢

贈益藩世子

控水環山國敦詩積善心天潢將胙土星使預  
知音以我滄洲趣勞君白雪吟驅車懸別緒宮  
漏滴梧陰



其二

玉簡編摩日吾窺 帝胄繁民勞猶食稅自試  
莫求恩貴以文章伯游於道德園襟期共慷慨  
濁世向誰論

贈唐聖符

梅雨江城滑看山坐小樓故人三泖至情話一  
宵留君擬舉黃鵠吾方侶白鷗莫嫌燒筍供肉  
食轉憂深

答朱山人

積雨霽遙岑空樓紫翠陰野花妍八座江鳥倦  
投林藥裹朝看熟薰爐午夢深不知題鳳客誰  
與其登臨

陸鴻志棄官高隱相招讌集

近卜芳隣就南村見素心一航春漲潤三徑古  
城陰白眼傷時甚青樽愛客深行吟思賀老異  
代有知音

送林道卿侍御理汴

但知社酒故園同忽睹除書出漢宮飛蓋客驚



南去鴈褰帷人識舊時驄雲生海閣芭蕉暗露  
浥山城側荔紅未受二毛侵勝具登高作賦許  
誰雄

送薛仲孺中丞撫宣鎮

繁梅映帶碧油幢情話逢君發漸江同籍建牙  
纔第二掖垣抗疏向無雙秋風貢馬聯鑣入晚  
色闕氏繫頸降細數犁庭到庚戌公卿幾許殿  
明邦

善權洞

羣山繚繞白雲堆忽睹巖阿洞府開拔地雙幢  
千象締拍天羣樂轉風雷仙家井臼留丹在古  
寺松蘿湧翠來一自玉龍飛作雨三生猶未脫  
凡胎

送靈超仲舉二弟赴試浙闈

水檻新開學釣魚柳汀篁嶼四隣居野夫褊性  
諧丘壑吾祖清風映石渠蕭杜門庭天上近機  
雲聲價洛中餘蕙江十里芙蓉錦好賞吳山報  
捷書



天門

山腰石裂翠屏開不放紅塵下界來老樹托根  
何歲月羣仙駐足盡樓臺金支倒射晴溪晚珠  
箔輕聞兩洞雷鶴馭鸞笙渺何許凌風好進紫  
霞杯

張平叔山人話舊

少微歷落海雲鮮應爲高人隱市廛小築乍通  
三徑友遠遊寧數四愁篇含杯樂聖從吾好服  
食求仙斷俗緣廉吏子孫君不忝先朝翰墨兩

家傳

壽陸望菴州倅七袞

相逢謾說古來稀誰尚燁霞蚤息機徹夜芙蓉  
粧未卸登高杖屨醉忘歸四明狂客能迴權五  
柳先生正掩扉竹筍行鞭魚蟹熟與君聊結遜  
爲肥

秋日祀墓碧山用韻述懷

焚魚贏得萬峰看吾祖初衣遂此歡青史百年  
鈴閣重滄波一曲鑑湖寬海雲秋薄魚龍穩野



草霜凋雉兔寒今日知非還覺是磯前却把釣  
魚竿

答徐觀我吏部葵園紀勝

江海羣飛帶雪鴻名園下榻許誰同樓臺縹緲  
霞標見洞壑參差鳥道通謀野最宜葵藿意循  
陔猶暢蕙蘭風春來擬聽漁郎櫂一問花津萬  
片紅

送甥高象先會試

端溪太守硯池煙擢桂文孫最少年芸閣漏深  
儀白鳳漢宮春暖賦甘泉麒麟浴起歡如沸玳  
瑁筵開醉欲眠記得趨朝同巷日蚤題神駿渥  
洼邊

送內弟楊南仲會試

翩翩詞賦蚤凌雲千里纔空萬馬羣白髮高堂  
雙慶在青箱舊業五朝聞名懸日月瞻仙仗策  
比天人對 聖君離思頓忘衝朔雪江樓醉眼  
睨斜曛

蕭允升少宰省覲歸途約予過武林一晤



予病未赴作此報謝

幾載緘題絕到君野夫隱矣又馬文魚罾手掇  
乘春漲鶴砦看歸傍暮雲斐几墨痕狂爛熳苔  
堦花氣醉氤氳省躬不忤知心友又恐知心駭  
俗聞

秋懷

恒風注雨暗秋旻世界浮雲萬狀新天漏從來  
誰解補歲凶何必我愁貧放懷不作書空字對  
酒纔容中聖身莫笑狂夫狂自許青山白骨共

嶙峋

贈張太史兼懷郭學士

潦倒憐予丘壑姿木天簪珮識君時曾聯棘院  
丹青座三復銀潢錦繡詞漢使遠浮張博望楚  
游頻向習家池相逢野鶴孤吟客指點秋雲散  
九疑

移居周嘉父學士見贈用韻賦謝

江城粉堞抱雲隈花氣徐聞竹徑開秋水會心  
常把釣晚風舒嘯獨登臺聲遵近渚歸鴻定翻



歷代詩選 明全伯典  
整閒墀舞鶴猜隔灤手招停折簡休緣酒債怯  
重來

其二

一自青門餞老臣故園同學種瓜人桃谿繚繞  
湖邊宅雪艇逍遙物外身愛客寒宵添喚酒礮  
田樂歲未愁貧杖藜探得南枝信欲吐清芬及  
小春

秋日宿包丈青蓮山房感靈隱僧時作茗  
供賦謝

宵聽灌木風疑雨午坐清溪夏似秋散髮蓮峰  
月輪滿山僧猶共說稽留

蘭谿道中卽事

淺碧琉璃澱水明布帆中度兩山明斜陽炙滿  
船窻火極羨幽蟬樹上聲

附全大訓

字懋欽伯典之子有拙居艸

午日吳門舟中卽事

客裏愁腸斷天中令節逢蘇臺蒼蘚沒茂苑綠  
陰濃艾結門前虎舟飛水面龍踏歌皆楚些醜



歷代詩選 明 全 懋 欽  
酒盡吳儂畫舫三千艘朱樓十二重芳魂迷下  
蔡逸韻想臨筇簫鼓喧朝隊葵榴映晚容彩絲  
花灼灼紈扇月溶溶夜寺猶傳燭塞山已罷鐘  
人歸桃葉渡月在竹林峰綺閣三更夢蓬窻萬  
里踪蒲觴聊自遣角黍倩誰春謾羨吳兒樂還  
愁虜騎衝不知今夕裏幾處泣邊烽

新秋同袁綱之史功載思若叔茂叟弟柟  
樟兩兒泛月鑑湖分得月字

長空歛煩暑火雲漸西沒岼憤理輕櫂徘徊清  
思發雖無鱸魚膾斗酒喜未闕良朋旣萃止童  
稚興亦勃移舟傍湖渚荷香迥飛越遠水靜瀉  
風孤城斜抱月隔岼踏歌聲疑有蓮舟歇梧桐  
乍無聊一葉遂輕揭不飲奈若何清光浸寒骨

新秋感懷

永日不可暮淒蟬咽高枝忽驚窻牖間拂拂生  
涼颼新聲入夷則殘暑銷歲時一官苦匏繫千  
里懷尊思鴻鵠在樊籠羽翮將安施長安索來  
米五斗供糟醕糟醕尚不足况復飽妻兒塞上



雁初至南謀稻梁資嗟哉人不如日送徒興悲  
其二

故鄉日以遠秋思日以苦馬骨高于鬣僮衣不  
蔽股脚蹶逐鷓鷯黽勉學拜舞那更羽書飛關  
塞徧驕虜赤子弄潢池秦晉無寧土東南海氛  
惡荆粵山箐阻天末接蠶叢獫狁聲正怒寰中  
方沸鼎閩外誰繫組徒令九重上宵旰髀空拊  
小臣浪憂杞何處將天補長貧亦可任不願聞  
鼙鼓

馬上口占

落日長安道壚頭取醉還雲中瞻北闕馬上見  
西山壁月孤鄉思金風老客顏征鴻歷可數不  
忍看刀鐮

至日遣悶

已逐風塵老休嗟行路難故鄉仍夢裏新律又  
江干月滿水壺瑩灰飛玉管寒竹爐菰米熟努  
力且加餐

旅夜苦雨



歷代詩選 明全錄  
十日江城雨愁雲積未消送將無限恨滴入可  
憐宵砌水時侵榻灘聲欲斷橋不禁書劔冷欵  
枕聽芭蕉

雨中山行

岩花飄路濕溪燕引雛雙密樹常留雨飛泉半  
入江人家烏石嶺烏道碧油幢欲譜淋鈴曲愁  
城未肯降

旅夜

歸鴉棲不定暝色下平川殘角荒城裏繁砧客  
舍邊夢驚蕉葉雨寒到菊花天戎馬中原徧聞  
鷄倍惘然

西塔寺志感

樵徑接山門塘蛙過雨喧僧歸背落日犬吠入  
頽垣古殿都無火空梁半有旛恒沙名利客誰  
是給孤園

海陽郊寓晚眺

地僻人踪絕煙巒四望賒翠微生樹杪清漲入  
漁家西榻誰斟醴東陵已誤瓜長鬚眠不醒汲



歷代詩選  
明金憲欽  
水自煎茶

春雨書懷

支離憐病骨寂莫對殘春  
但惜鬢將耻何妨釜  
欲塵鶯聲憐院巧柳色隔墻新  
只有多情燕  
年不棄貧

友人惠花露酒賦答

小院午風和春衫已試羅  
亂愁花外盡新句竹  
邊多酒釀金莖露鶯  
繡玉樹歌平湖青漲浦何  
日抱琴過

長安秋思

碧落雲收月半斜  
砧聲一片起隣家  
雄心老去  
羞鷄肋狂態依然任鼠牙  
醉裏歌長壺盡缺愁  
來夢短筆無花鄉關縹緲  
銀河外欲借秋風博  
望槎

送李鵬滄之任河源

仙吏分符出鳳坡  
五羊城裏試絃歌  
爽鳩舊識  
丹衷苦竹馬新迎  
紫氣多  
庾嶺菊殘秋色老  
琴堂花滿午風和  
蠻煙不比胡氛惡  
好向交州弔



伏波

潞河雪夜舟中留別諸丈

長安幾度伴羣仙  
忽聽驪歌倍黯然  
暖日名花全對酒  
寒煙衰柳獨歸船  
離亭信宿人千里  
驛路初冬雪一天  
淒絕可憐今夜夢  
依稀猶繞帝城邊

靜海舟中對月

瀛海煙銷碧落開  
寒空萬里絕纖埃  
鐘聲半逐江流去  
帆影初分月色來  
野店茅柴春正熟  
蓬窗楫楸夜猶煨  
淒清已濯冰壺魄  
潦倒須傾三百杯

春暮江行望留都作

茶蘼花滿大江邊  
冉冉香風送客船  
京口朝飜三島雪  
石頭春鎖六朝煙  
蘆汀櫂轉黿猶曝  
柳岍層開鱗正鮮  
會向金陵瞻王氣  
蒼茫宮樹老啼鶻

李內翰携酌西宮亭下

亭傳是毬處

上試

覽勝何緣到帝都  
禁城春色曉模糊  
玉堦豐草



連蒼莽金井寒爐斷轆轤浪說柳邊曾繫鞦忽  
聞花底喚提壺中涓分得天厨饌日暮君王召  
賜醕

同程我旋吏部宿天界山房

登臨初罷晚風輕信宿禪關思轉清淡月山頭  
留暮景長松天際落秋聲廿年程氏寒氊地萬  
里姜家布被情夢境依稀遊極樂山禽喚起半  
窻明

送林視公內兄之漳南訪長公司李

花朝相送花未開憑將離思寄殘梅鴈行已作  
三年別馬首寧辭萬里催法署風和棠棣萼漳  
漳春滿荔枝醅坡仙若問秦淮海爲報猶能數  
舉杯

偕顧質先南溪訪友不值

春風習習鳥關關笑挈高陽問遠山蠟屐乍穿  
雲片去瘦瓢時漱石淙還溪南草暖眠黃犢隴  
北林疎過白鷗只尺仙源人在否洞門深鎖落  
花閒



中秋獨酌

鑑湖之東狂客廟廟前打鼓復鳴榔遊人門外  
踏歌去病客牀頭聞酒香蟋蟀有愁訴空砌流  
螢無力投鄰墻清秋月色已如此不飲奈何秋  
夜長

苦吟

年來日日理詩篇索盡枯腸總自憐幾度嘔心  
愁白髮有時搔首問青天走翻醋甕渾疑醉忽  
抱樵夫不是顛莫笑苦吟成底事得稱才鬼勝

頑仙

夜發錢塘

悲鴻相伴宿江頭江底寒潮咽不流半夜帆檣  
驚短夢一天風雪下孤舟遠時嬾作中宵舞入  
世難期五嶽遊別淚未乾眠未穩鐘聲縹緲隔  
前洲

曉抵常山

飛泉一派接天明急瀨喧雷客夢驚遠道添愁  
惟鴈足寒宵送喜是鷄聲青山有約還相負白



髮無情忽自生  
離却風波又鞍馬  
板橋霜裏逐人行

楓亭道中

燈事方闌客興新  
天南風景已殘春  
斜穿竹腦時遮轡  
低拂榕鬚欲冒巾  
瘴海潮迴魚市集  
蠻祠社鼓駛歌頻  
森森荔葉空千樹  
日斷楊妃一騎塵

嚴江晚泊

江岍維舟浪有花  
高低煙樹集昏鴉  
泉分急瀨風雷迅  
山帶斜陽紫翠加  
漁婦抱兒來乞火  
牧童拋犢尚眠沙  
鄉愁暫寄村醪去  
醉倚篷窗送落霞

高座寺傳心精舍卽事

雨花臺上石成紋  
縹緲鐘聲下界聞  
遠水孤帆斜帶郭  
空山落葉冷含曛  
祇林繞處皆青玉  
香積餐來是白雲  
一片蒲團三尺几  
仙凡此地路應分

詠觀音蓮次徐文長韻



歷代詩選 明金瓶梅  
五葉昔同祗樹長一枝今許竹林栽疑從滿月光中現不向如船藕上開碧海鸚哥舒翼立白衣龍女獻珠來靈根自足菩提性肯染纖毫大地埃

江南柳枝詞

柳葉舒時天氣和田頭爭唱麗情歌高低麥隴黃鸝浪遠近桑林綠染羅

其二

輕舸三月下湖洲楊柳晴煙晚未收十二朱樓

爭繫馬春風處處使儂愁

其三

桃花照面曉妝齊女伴相携出大堤手攬垂楊含笑立看郎船過畫橋西

其四

一水潭邊柳欲眠張公洞裏景方妍竹菇羅介曾相約更釣長橋縮頸鱸



石倉十二代詩選

明三集卷之二十一

存笥集

大明

吳江張 銓著

海子曹學佺閱

燈蛾

夜永愛深坐喜見燈花吐蠢茲何從來倏向短  
繁舞頡頏乃相繼殞越未前覩雖於爾乎憐不  
為我所取始若雀投水終作魚泪釜載如趨炎  
徒一朝罹法咎黷貨敗酷吏藏珠病胡賈嗟爾  
亦奚求捐生竟何補物性由自偏人心胡不古



吹燈出齋閣明星爛天宇

贈中丞翟公青石

金風促短景玉露催華滋序遷衆芳歇亭亭桂  
樹枝桂枝敷遠揚丹莖何陸離眷茲宰物仁篤  
彼梁棟姿跂余仰喬嶽旆旌紛粲麗高駕聳聳逸  
軌簡抗結多簣願托君子心瑞協五色芝 皇  
明峻明德台輔求姜姬言夙東山駕千載會昌  
期

謝劉生遺蘭

蓉江梅雨過炎暑加煩促官居逼城市復此勞  
案牘美人遺芳至清芬溢華屋珍逾璫玖贈冷  
然豁心目濯濯挺紫莖離離綴寒玉几席生晶  
光軒楹蕩塵俗置我寶林檀引我北窗竹紉我  
陸離佩掃我清溪曲永結同心盟相期臥雲谷

索居

春日携衾枕西齋久索居分燈晨淪茗遲月夜  
臨渠書已三冬束頭將一月梳門無長者轍病  
後轉迂疎



覽鏡

未覺容華改蕭疎一病中三年求蓄艾雙鬢只  
飛蓬遶櫛銀絲短驚心寶鑑公猶慙寇忠愍潦  
倒已成翁

晚過竹溪訪朱太守

霽雨淨秋色薄雲生夕陰清憐此溪水遠媚碧  
山岑倚棹蘋花老停杯竹葉深不妨舟入夜涼  
月已駸駸

憩蓮花峰下

連峰挿天際草徑入雲深石壁色積鐵天池波  
貯金未酬支遁語先解葛洪襟便欲占叢竹茲  
年一洗心

巳亥二月茶泉徐子自吳至膠云道中不  
見一花卽席賦此

山城二月暮不見一花開玉笋空盛酒貂衣懶  
上臺風塵仍瀕河田野半蒿萊聞道河陽縣繁  
華錦作堆

臘日樂太史席次中丞翟公青石韻



臘日同杯酒春回宇宙間凍雲元入壑霜月迥  
臨關報主心俱赤辭官髮未斑自公經濟于會  
載獵車還

立春前五日喜雪

少雪嫌冬去飛糞喜蜡前點杯添臘味綴樹作  
春妍天助儺驅疫吾從俗卜年尚疑蓬巷底土  
絰冷無因

至冷寺登居然亭

人皆競春麗成獨愛秋晴檜老侵崖裂波澄約  
以平廿年勞夢想此日慣經行便欲辭塵鞅開  
身一葉輕

弔嚴陵灘

桐江一釣絲萬古仰末耀獨樹吟風孤雙峰入  
雲峭丘墟邈雲臺郡國失原廟山高水深處吾  
儕幾登弔

下嶺望觀音巖

秩祀禮初畢探竒車載前明眸看怪石沃肺酌  
冷泉松偃前朝蓋梅環小洞天尚書有佳句厓



石好磨鐫

七夕過昌邑中丞翟公東園紀興

晉公開圃東山麓不種薔薇植嘉木七月七日  
雨新霽萬彙千叢淨如沐呼童引客挈壺觴興  
到行邊景還觸枝頭秋實綴紅酣架上蒲萄垂  
紫熟甘美止知隨手墮品嘗已饜諸人腹我公  
好客能飽我更願推仁及幽獨請公早發東山  
駕天下蒼生再蒙福近聞朝議備西戎 聖主  
虚心待方叔

遊白猿洞

賓主獻酬方合弁輕雲閣雨雷砰訇吳儂自是  
好奇者過嶺策馬仍南征顛厓峭壁突兀出輪  
靈獻秀開丹青長松落落宋唐榦級砌盤薄誰  
經營東南風高瘴烟滅山精屏息山花迎披荆  
覓洞列炬人心異神竦雙眸明石屏當戶若捍  
衛蝸旋時頓迫呼聲窈窕豈是龍蛻去瑩潔渾  
如玉琢成谿訝吞呷甚委曲中通一竅容人行  
境當邃處更奇絕一水隔斷長盈盈望之有穴



歷代詩選 明弘治道  
若圭竇過此疑是芙蓉城歸來午夜始就寐彷彿夢接安期生分明授我瑤艸訣六事不勞五內悅

十月三日盧氏看菊

步屨東籬趁夕陽主人邀客卽傳觴自慚蒲質頭先白最喜花枝盡更黃此日行吟淹楚澤與君連席坐胡牀夫都憔悴何須較且共陶然入醉鄉

送沈黃門夷齋落職赴浙省

擢萃詞林入諫垣薄言誠享誓忠肝經筵抗疏三千字致主心存一寸丹獨鶚橫秋天共杳嚴霜清道節逾寒 聖明豈爾終遐棄莫向人歌行路難

歸途月下

新月半輪延皓魄長空萬里肅清秋天涯潦倒雙蓬鬢江上嶽峯百尺樓羈客此時鄉國夢哀鴻何處稻梁謀衰年病肺仍消渴風露寒侵白布裘



卽墨道中呈藍侍御北泉

郊外停車問老農那看土瘠更年凶  
荒蒿極目總秋稅破屋幾家能晚春  
循吏政先勤勞來明君仁在決烹  
封謝安不爲蒼生起猶自東山作  
臥龍

敝屋解嘲

一官羈絆海東偏夏屋華堂世所便  
但使眼前披宿霧不妨頭上見青天  
更加茨蓋虛疑漏會得枝撐豈見顛  
多少逃亡棄空宅恒因念及獨

潯然

看菊

却憶膠東郭使君許身自比雙南金  
高懷落落黃花酒美政依依棠樹陰  
此夕故人千里思重陽爲客百年心  
歸轅早慰斯民望莫惜星軺白露侵

乘雪過京兆姜公艾峰宅夜飲

風滿高樓雪滿山中丞危坐短吟間  
正憐無客同揮塵忽報有人來扣關  
呼酒先嘗秋露白



香初炮鷓鴣斑劇談痛飲情何極深夜沈沈不放還

九月廿三日發潑江懷鄭太守友石

高秋風日始淒清有客乘舸逆浪行望入匡廬  
南國夢思隨衡鴈北書情潑江過雨泫泫碧丹  
壑孤雲細細輕未許子真棲谷口循良遠注御  
屏名

春日呈林太守西州

春日春風逼上元雙旌開道廠雲軒紅梅尚自  
留殘曆碧艸相將掩燒痕士女樓前仙戲劇綺  
羅江上妓歌繁順時錫福吾侯事後樂先憂取  
次論

詩促梅翁諸公登梅關

春來曾得春山無遮莫春光與歲徂擬向梅關  
薦蘋藻同尋花徑藉薜蘿燕臺定振尚書履鶴  
馭先傳刺史符觴詠從容載登眺瘴烟消盡日  
輪孤

登南山與黃選部小峰



西風吹破炎城鬱肺病纔甦較幾分更喜廷堅  
來玉署同尋支遁到金文桃江過雨平鋪練竹  
嶼樓烟錦紋茗椀熏爐坐成久祇應清論未  
前聞

秋日江行

木落溪岬高蕭蕭荻花老西風吹破雲旭日正  
杲杲

春晴

江閣柳新暗野橋波欲平春來久陰雨今日是

初晴

秋思

五塢峰頭飛白雲西風獵獵不堪聞連朝細雨  
迷寒鴈不作南山潤豹文

其二

意倦拋書過木梁小園踪跡久荒涼數株橙橘  
垂垂熟一樹芙蓉倚晚妝

漂母祠

聶政聲聞義姊營父寃終雪壯緹縈一朝偶識



歷代詩選  
王孫百千載猶傳漂母名

與內弟郭溪隱

一篙新水漲前溪  
插徧東菑綠已齊  
淨洗犁鏟餐飽飯  
竹林清坐聽鳩啼

雙女荒塚

世間豈少奇男子  
雙塚嗟峨俯仰中  
釃酒臨風倍惆悵  
白楊蕭瑟起悲風

石橋夜月

南浦潮平烟暝時  
憑誰羗管疊新詞  
數聲吹

關山月紙帳梅花遶夢思

赤壁仙舟

我欲乘舟赤壁遊  
清江碧石麗高秋  
少焉月出西山上  
笑劇翻能生遠愁



明三續集卷



歷代詩選

石倉十二代詩選

明三身卷二十二

小峰集

大明

贛縣黃

注著

後學曹學佺閱

夏日馬府邀遊峴山

首夏天氣和相期憩山亭  
 迴陟躋巘嶧結翫探  
 深沉密林避煩歎脩篁  
 隱遙岑被徑澤蘭長開  
 池芙蓉生青春去未遠  
 日已值朱明逢時歎徂  
 逝玄髮忽已星明公辱  
 芳愛清遊愜賞心啣盃  
 憶河朔作賦忝橫汾眷  
 言謝嘉樂感來念亦深

歷代詩選

月黃女集

三身卷二十二

一



碧浪湖夕泛

輕橈泛平湖灝氣澄夕霽臨流對皎月憩听采  
芳芷輟策發長歌金坐同知己啼猿響山椒哀  
鴈鳴沙渚粲粲明星羅蕭蕭涼飈起浮條露泫  
溢慕岫氣斐亶遠視快駘蕩近矚愜幽理晤言  
益徘徊清興殊未已

留別宋子明

悠悠旦行邁駕言忽徘徊會遠別既促含思野  
踟躕執手不忍去臨觴亦何悲神留戀所歡形  
往欲何之北渚迷煙際南津間雲涯牽牛豈服  
箱衡軌慘不移征夫信靡及逝感念依依

彭蠡阻風

凜凜孟冬候日夕鳴躩蛄遊子出無衣寒氣侵  
其膚洛浦遺錦衾誰能爲君鋪永夜獨懷宿夢  
寐如相呼良人去何之駕言千里途今茲走南  
北來時自三吳焉得如晨風奮飛以俱徂遙瞻  
獨引盼徙倚空踟躕

和貢甫詠懷詩



黃鳥何絲蠻嚶嚶歌伐木奮翅向平林流聲出  
幽谷飛飛時眷戀翱翔事結束信彼羽族微猶  
能類相屬谷風何習習霖雨忽傾覆恐懼旣予  
同安樂彼胡獨小怨苟不思金斷誰能續感此  
難具陳勞勞亂心曲

題扇

泥泥露華重悚悚桂枝繁涼陰浮綺蓋寒氣拂  
朱軒美人歎脩夜獨處寂無言攀枝釧金響尋  
香袖俱飜嘉客儻能顧丹心願不諼

貢甫慎卿子明各以詩見寄賦答

杜若生芳洲采之當遺誰殷勤寄所思聊以慰  
佳期佳期旣寥曠所親安在茲一日如三秋何  
况久離居離居隔鄉縣歲月相間之草蟲鳴嚶  
嚶孤月照簾帷安得賞心人握手承讌私

答臧原實

夏暑方未晏永日鳴新蟬乍聽出何所再聞高  
樹巔逐客厭悲響衰人惜流年况復當離羣組  
思何孿孿回憶勝遊時山水恣留連獨憐茗谿



歷代詩選 明黃汝霖 三  
水東流不可旋馬得來伊人宛在谿水前

夏日感懷

林花何灼灼榮艷猶紛若鮮色藉朝陽餘芳映  
秋藿翱翔衢路間冠蓋踏揮霍致身名譽塲磬  
折不可託韶華易徂逝紅顏莽銷鑠覽鏡非少  
年朱顏詎如昨景夕難再晨秋草祗隕落竟生  
以逍遙衡門亦云樂

明月篇

清秋雲漢何昭回萬里輝輝月正開雲母帳前  
紛照耀水晶簾外若徘徊畫堂庭戶連天起玉  
宇銀河相霍霏坐聞窈窕歌皎兮復憶嫦娥酬  
倬彼嫦娥窈窕俱可憐繡戶璿閨尚未眠歡從  
飛燕昭陽夜愁對班姬長信天昭陽長信情無  
已頃刻風光易悲喜復有高樓蕩子妻搗衣今  
夜親砧杵北堂蟾兔色漸微上苑良人胡不歸  
誰堪機上鴛鴦別忍見橋邊烏雀飛玉臺落葉  
風冷冷北斗欄杆半夜橫一曲清歌腸欲斷相  
思空自淚如傾



上巳出郊

吳洲芳草春萋萋  
蘅渚蘭皋色乍齊  
忽憶洛城桃李月  
况逢此地艷陽時  
艷陽時節真可憐  
桃李花開色正妍  
踟躕場中看宕子  
鞦韆架底見嬋娟  
已聞秦妓張歌館  
更覩胡姬列酒筵  
胡姬秦妓分相向  
置酒高歌大堤上  
銀箏寶瑟恣留連  
吳趨越吹清且閑  
佳期可悅不可駐  
朱顏能去不能還  
江南景物今將暮  
塞外征夫念歸路  
馬上遙聞折柳詞  
閨中尚憶梅花句  
驛騎明朝

發上蘭關山此際瞻雲霧

冬夜引

雪花六出天氣凝  
河水泠泠三尺冰  
幾家紅爐共錦帳  
幾處征人自惆悵  
紅爐錦帳敞華筵  
惆悵征人夜似年  
不見寒衣來下葉  
惟聞羌笛隴頭傳  
隴頭梅樹亦開花  
獨對疎枝漫憶家  
徒把離情悵明月  
更憐孤影上窗紗

初夏泛舟

水逐微風起山含落照晴  
鶯啼穿密樹魚戲引



浮萍垂柳青絲重新荷翠蓋輕芳樽留待興蘭  
權夕溪浮

七夕詠牛女

寶婺臨清漢璇居倚絳河月移雙佩轉雲逐七  
香過束紙緘銀閣流黃下玉梭誰言歡洽盡猶  
帶別離多

秋雲

秋雲橫晚色蒼蔚映霜天含吐凌華月氤氳結  
紫煙臨軒衣乍卷抱石蓋猶縣望望傷流滯徘徊

徊空自憐

秋閨

秋風吹鐵騎寒信到金閨別緒縈砧杵愁聲慙  
鼓鼙睂含梁月掩淚逐砌蟲啼迴文機已歇何  
日寄遼西

月夜有懷

津途日初暮旅思亦何長牛渚連吳會星河接  
豫章月明沙共白風靜水俱涼盈手難爲贈徒  
然夜未央



晚泊清源

亭傳亦嚴更喧喧鐘鼓聲風搖津樹合月上  
樓平逗浦槎橫漢迴流水抱城征夫遲明發  
長夜聽鷄鳴

都門送別吳巽峰同年

天涯一相見臨別各依依去路青山迴孤舟黃  
鵠飛秋風拂傾蓋寒色上征衣唯有相思曲當  
歌意已微

嚴臺

振衣躋迥閣流目寓孤亭臺接錢塘岼碑留漢  
殿銘苔磯文錦續松石畫丹青千古垂竿處江  
天照客星

暮春泛舟如古杭

三春花柳暮言泛野人船遊覽憐今日風光記  
昔年水苔因石厚巖樹借山連惜此繁華逝勞  
歌獨愴然

同王六過李氏山亭

此日來何處言過隱士家野衣裁薜葉山酒酌



藤花澗水鳴寒溜巖陰護晚霞看君頭已白一  
倍惜年華

滄瀛樓晚眺

晴洲日初落迥望一登臺川向河源出城臨衛  
水開寒光逗沙浦風氣慘條枚此日遊燕客誰  
知擊筑來

經行交河

北地寒疑早交河雨雪霏自驚來往意復見柳  
條稀朔氣殫征馬嚴風捲客衣周南洵美處留

滯欲何依

富春雨夜返權

江天風雨夜遊子故鄉情惜此春光去愁看楊  
柳生沙昏迷蜃氣潮暗辨鷄鳴歸期如可卜何  
處訪君平

茗溪夕泛

返景照平川浮光映遠天蓮谿迴小艇石澗飲  
香泉河漢雲初歛關山月漸圓更將流水曲一  
奏伯牙絃



送客還武林

予方臨別渚子復櫂歸舟卽是茗谿水分爲兩  
處流林疎開桂晚池淨識蓮秋無繇送前路徒  
然嗟去留

晚泊荻港寄懷

寒江風瑟瑟冬至夜迢迢况此他鄉隔彌令別  
望遙月翻深淺浪風逐去來潮轉蓬踪跡異惟  
見其將朝

銅陵晚發

宿纜牽昏霧連檣犯曉河江流朝若暮鄉路近  
猶多容鬢塵中改光陰客裏過不堪懷土念倚  
櫂獨悲歌

立春日喜晴

東郊迎煖匝芳晨江郭欣看物候新蘭氣乍開  
千日酒梅香先放一園春陽回鳥路將征鴈風  
動蛟冰漸躍鱗暫以歡娛酬媚景猶憐三歲未  
歸人

留別大司空鑑公



夕陽亭下促歸船  
攜手銷魂重黯然  
客路近連江北樹  
鄉心遙指嶺南天  
翔鳧渚畔牽行迹  
修竹林中賦雅篇  
徒羨遨遊佳不極  
獨憐留恨此山川

立秋日偶成

孟月西風開素節  
赴期殘律啓金商  
水涵天影澄秋色  
山帶嵐光引夕涼  
函谷運移鷹已下  
洞庭波起鴈初翔  
含情宋玉非多思  
憐慄那看此夜長

立春日懷子明試南宮

東風昨夜轉年華  
詰旦曦陽覺漸賒  
柳色乍開寒後葉  
梅香先放暖前花  
向時靈鳥鳴原澤  
匝水嘉魚出海涯  
遙憶瀛洲光景別  
會看春藻燦雲霞

富陽山亭登眺

津亭新柳綠依依  
江上春風尚可揮  
林搖雨色開青障  
澗帶泉聲聒翠微  
山水絃中鳴獨撫  
鸞凰曲裏度雙飛  
徒欣良候堪爲美  
還顧鄉愁忽



有遠

初夏宴子明宅

朱明初序轉韶華勝踐言過武子家風靜林塘  
無落葉雨晴山院有餘花聞歌始覺鶯聲變學  
舞徐看蝶影斜不畏綠樽虛客醉周堂晚色映  
峰霞

七夕寄牛女

廣簷初夕散微陰牛女逍遙天漢濤鳳駕仙車  
雙轡轉鵲橋雲路二星臨逢歡尚恐宵逾促念  
別猶懷漏益深不爲還梭酬繾綣聊因機杼結  
同心

鷄鳴山寺登望

化城臺殿逼煙霄複磴崔嵬入望遙祇樹盡從  
雲外見曇花如向雨中飄坐近旃檀緣問法行  
隨鐘磬叶聞韶茲山况是開基地敬對宸居仰  
帝堯

贈別貢甫

畫舸搖搖雪水頭富春臺畔漫相求懷君容易



歷代詩選 明黃汝霖  
生惆悵細雨斜風獨倚樓

江天閣

綠水長江帶楚雲越南河北望中分豫章書信  
頻年斷極目衡陽鴻雁羣

古怨歌

御溝春苑接平沙紫陌青樓十萬家三月城中  
楊柳樹蚤時風起暮飛花

寄客

憶昔逢君各異鄉茗溪花月泛滄浪如何忽見

三秋別善札雲邊新鴈行

龍洲晚發

古雲收盡萬山風日映殘霞着水紅瑟瑟秋光  
浮客擢荻花楓葉滿江中



石倉十二代詩選

明三真卷之三十一

雪堂集

大明

錢塘沈守正著  
漢晉曹學佺閱

聽泉亭

偶過斤竹嶺小憩木蘭灣如在朝川上裴王自  
往還月明人澹鬱梅瘦格高閒意欲增椽屋長  
條不忍刪

老僧巖和吳司李韻

我聞老僧巖未到僧巖石莊誦半遊詩恍若山



行客是日望舒滿筍輿戒發夕素影流稻衣晃  
鑠駭緝碧定在白馬前安問何年劃閱盡驅馳  
入勞勞倦于役開口無一言攢眉亦何益會當  
往拜之有癖自疇昔

月出淨如洗山水發其姿山光澹而冶廣池淪  
且漪微風吹蓼花顛顛如不持愛此地上影往  
來互參差良月靜人意鶴警撩繫思

委羽詞

步出小南門水流石齒齒作意認羽山重巒互  
崩施褰裳一就之意敗不可止一竇小如拳深  
入不過咫聞櫓聲而還記者何其侈洞天三十  
六其二廼如此予凡五往來反覆究所以或者  
桑田改不然非故址奉林去已久野老無惇史  
揮手謝之去不復如往矢匪予辱山名畫餅良  
可耻

秋眺

秋盡嗟窮索山深倍授衣梧桐亂下地蟋蟀鳴



歷代詩選 明沙無回 二  
在帷巖巖暮山靜  
皦皦寒鴟飢坐久  
石苔冷紛  
紛樵斧歸倚徙  
看倦鳥林薄還  
驚飛

中秋雨

去年今日雨紛紛  
今年今日雨翻盆  
窮愁攤書  
意緒惡况復天地  
無朝昏海棠狼藉  
露葵折蟋蟀草間  
鳴復咽疾風驅水  
水怒號鬼火山椒  
時一掣姮娥此夜  
當如何將無怨恨  
陰雲多天上人間  
會反覆明朝皎月  
生山阿

雲孃行

沈郎花譜近十年  
雲孃傾國人人傳  
毒恨聞聲不見面  
無人爲結三生緣  
今年留滯在市都  
都下美人顏如荼  
褰帷瞥見雲孃在  
喜動睂睫光榮姝  
蕭蕭疎柳直風前  
皦皦孤鶴唳重玄  
林下風流瑤閨骨  
肯與妖邪爭愛憐  
謀權正劇忽欵  
獻知子胸懷不暫  
舒似感故交零落  
盡眼前香粉空相  
與我方坎壈重太  
息覩子肝腸增偏  
仄憶昔十五入詞  
場燼飛紙落不可  
當紛紛餘子何足  
道彼其當年耻鴈  
行流光荏苒廿餘  
載憂



歷代詩選 明初無回  
患經多容鬢改空留七尺自昂藏難使鷄羣不  
盡駭以此傷懷各自思半面纔通如舊知何圖  
座上風波阻脉脉相看不得語臨歧把酒儼向  
人轉復無言但酸楚人生會合各有神何必薦  
枕始成親子尚風塵予浪跡朱顏須慎百年身  
他時若得重相見應費青衫作淚巾

元夕驟雨

繁星燦爛銀花濺錦繡成帷香風燭可憐難得  
菖蒲花千門萬戶人爭羨湏臾海若片雲低蟾  
蜃吐沫龍收電虹橋紫陌滑如油墜珥遺鈿何  
暇求誰家裙帶結兩頭少年拾得心悠悠

悶

今年二月寒如冬春光慘澹人意慵雄風雌風  
花命薄欲雨不雨山睡濃攤籍嬾將思兀兀閉  
門何物來衝衝明朝後朝無杲日拚擲行春九  
節筇

賦得高柳靜烽煙

榦聳邊雲古枝斜獨馬行頻年不出塞曠野柳



歷代詩選 明沈無回  
縱橫薄暮風傳角方春雨洗兵呼韓歸質日攀  
折贈長征

邸舍立秋

候蟲驚節換不及客心明  
殘暑猶昨日新涼枕  
簞生兩年遠故國終日對高城  
轉恨南飛鴈勞  
勞逐隊征

張符九龔華茂小集南屏

避俗依蘭若晴湖落照低  
危峰蒼欲滴芳樹綠  
初齊流水亂人影輕陰留鳥啼  
詩腸堪鼓何

必定黃鸝

謁朱子祠

夾路山如畫靡蕪野自花  
到門沿曲澗隔浦是  
農家委羽仙踪遠尚書石馬斜  
高風藏古木朝  
暮有棲鴉

新得聽泉亭喜述

十年清夢愜携手課雲煙  
買木支危棟携床待  
怒泉老僧談竹理園叟樂花  
天坐久渾忘我山  
禽拂面穿



其二

欲將南垞口遍插木芙蓉  
瀑水終年濺濃燼盡  
日封通人開蔣徑  
逋客謝周顒可惜雙翎去  
巢空澗底松

九日

空山逢九日尚憶客扁舟  
况復多風雨那能遣  
病愁鴈來知幾日  
帽落已千秋如殺東籬老  
黃花笑插頭

送余氏兄弟

山中飛凍雨江上二難歸  
松閣霞光冷沙汀鴈  
侶稀能無懷舊雨  
不久試春衣努力千秋事  
令人寄托微

送王宣佩歸祁門

合澗成溝水黃山隔洞猿  
行人秋作客居者月  
同樽各抱難言恨  
寧辭折簡煩豈予工怨別  
雅道幾能存

送吳景先歸休陽

桐廬秋色老水淺石稜寒  
無復江陵快應如瞿



歷代詩選 柳永無四  
峽難纜人驚鳥起客子倚檣看廓落何須歎還  
家菊未殘

憶金陵

金陵佳麗舊皇州夢裏猶疑浪漫遊燕子磯頭  
春漲滿莫愁湖畔暮煙浮陳家玉樹隋家柳袖  
底笙篴扇底喉聞說長橋已傾側秦淮夜月不  
堪謀

重陽

黃河北渡氣悲涼令節空逢旅思長豈有茱萸  
對風雨祗愁豺虎偏封疆苔華撲地千層白楊  
柳連天數葉黃却憶香山詩句好一年年倍惜  
重陽

中州道中

馬首西驅問大梁木綿花似露葵黃都無綠醕  
存釀氣漫說青精雜豆香處處駕犁翻作地家  
家剝柳織爲筐少寬東省潢池警荒後人情未  
悅康

雨後蚤行



歷代詩選 卷之四 所涉無四 七  
蹇蹄避潭踏平沙日影曛曛噪曉鴉染血楓林  
酸棗樹沾泥柳絮木綿花羣羊出牧爭溪渡野  
店捱門到郭斜我亦坐淹三日雨喜看千里麥  
抽芽

過姑蘇

蘇臺今已七回過壯在其如白髮何曉犯清霜  
悲草脆晚邀寒月恠風多聯舟有酒寧辭醉宵  
夢能竒且放歌明到錫山寬載水中冷浪許不  
如他

聞孫送至楓橋詩以謝之

兩載支離體未平如何又送北帆行朔風折盡  
吳綿力野燒回看越嶠生宕口酒香人易醉寒  
山鐘動客先驚老嘗交態難言矣只有君家不  
世情

送張叙伯入都補令

問君何處更抽簪四海誰無杖柱心若傍廉州  
應有石縱治麗水豈多金中丞節鉞傳家遠新  
主珪璋望治深且晚璽書徵快令種花那得待



成陰

步至九峰寺

穀雨相催物物新  
散行時讓汲泉人  
共聽牧子  
次蘆管一任松花打角巾  
有竹有藤將廢寺  
好風好日半閒身  
安能移榻溪流上  
恠石高梧作比隣

春暮

閒門鎖日可張羅  
叢桂新條長舊柯  
無可奈何春事短  
不如歸去鳥聲多  
江城三月猶巢燕  
野俗羣兒喜鬪鵝  
洪飲苦吟俱意懶  
試茶郵水一朝過

寄懷沈君接

與君靈鷲十年身  
我別君留百感新  
千里同舟淮角酒  
清尊小坐斷橋蓴  
君家春釀碧於水  
此處山茶赤似唇  
兩地有情兼有恨  
梅花西磧少誰人

山陰逢朱晉明

山陰十月政秋冬  
短鬢蕭蕭歎爾同  
酬對三人



俱首蒼別離多載總飄蓬禹陵突兀名山古大海蒼茫灝氣通鴻鴈兩行俱舊好可憐踪跡亦西東

戊午初度

已過網成躍馬年縱逢唐舉不軒然逃名漫學墻東隱小築真疑舛上船自歎半生惟硯北畏聞兩字在盧前却如老大當墟婦脂粉調人亦可憐

雪

同雲漠漠風淒淒雪花如掌高復低深山似欲過牛自怒嶺遙知絕馬蹄鴉背漸高栖不穩鴈羣頻拆陣難齊到門開雪今人少縱令能來掃卽迷

讀馮開之先生集

不動梁塵畫舫空幸留緗帙見遺風官因屢黜人能古詩到無題語必工松桂影邊綦履散蘼蕪山下夢魂通西冷煙月雖如昨誰領風流向此中



古城

漠漠孤煙江上橫行人說是偃王城當年仁義  
將何用地下瘡痍恨未平故壘幾朝看鹿走荒  
墓無歲不牛耕徐山石室今何似舊楚依然春  
草生

獨酌

日車難繫一年過髮短身長奈若何作客自慙  
游日少課詩爭得似愁多江鄉漫說蹊桃李野  
性惟思紉芰荷雪色如銀那不飲醉龍無日不

高歌

垞日張爾維招飲全諸君和韻兼有所感  
三逢令節獨悲秋幸爾招携汗漫遊但醉不須  
嘲落帽對花何必更登樓南冠盡望燕山遠楚  
艸仍將暮雨收轉憶去年今日事同人千里始  
知愁

全沈倩明諸君飲九峰寺

九日携尊到九峰峰藏修竹列高松籃輿幸有  
門生擗紅飲欣無俗子逢孤塔出林留夕照古



餘興待疎鐘三年令節皆為客南北東西愧  
短筇

秋日感懷

秋江湖落盡魚鰕滿市腥風對日紳轉憶西湖  
蕁再熟紫絲牽出長冰芽

題畫懷柴式穀

萬株古樹萬重煙萬仞波濤萬頃田極望平沙  
雲影薄不知何處是淄川

石倉十二代詩選

明三集卷之廿二

南欽錄

大明

平湖陸在前著

江陰曹學佺閱

河上篇

洪波何浩渺湍急成艱涉秋杪開澄清霜姿畫  
林葉霞光蔽高檣蟻動不踰屨薄暮尚無依煙  
火宵不接矯首念昔遊終星一交睫飛帆視走  
馬勢欲先風鬣醜酒向青冥狂歌與雲徹十載  
散萍蹤浮沉兩塗轍紛署明雙宿聯珂恣蹀躞



而我竟何爲蹢躅。嘲井渫壯心猶自長青鬢。謝  
鏡鑷試看書劍隨。不爲飄零怯莽莽。復滔滔中  
流幾擊楫。

武林送鏊守端州

秋風送征帆。秋水明如練。歌吹破雲層。霞光照  
林樾。南屏桂如幄。湖畔秋香遍。登臨還送遠。暑  
氣退。猶曠堤柳舞。纖腰江峰聳。峨弁嚴裝五馬  
輝。行矣擁方面。王程不可稽。惜別歌驪宴。清執  
帝會嘉。天語衆爭羨。惟汝心如水。弗爲俗腸

肯曾聞吳隱之揮婦沉香片。復有我忠宣拜餉  
茶一串有味乎清貞。羶鄉那足戀業有水曹詩  
何必端溪硯。君子不易操。鬼神解福善。洗耳口  
碑來。南人倘欣忭。下以慰我思。上以酬 皇眷

禦溪遇雪懷鏊

扁舟遡漸流。兩岬馳雙練。平楚入凍雲。低迷亦  
葱蒨。啼鳥似號饑。飛繞林塘遍。蓬窻旭日籠。亭  
午不知暎。遊子在長安。朔風吹衣弁。馬蹄澀泥  
衝霏雪。當人面。晨炊未及明。猶恐朝參晏。而翁



雖陸沉尚平雅所羨差了婚嫁緣拂衣何所胥  
湖上水沄沄山頭雲片片興如玉馬曹灑然脫  
羈串剡權色陰寒綉袍能自戀擁爐炷辟邪復  
得理筆研與人時爭席酒酣飯還善足以慰汝  
思開緘想歡忭勉哉事 聖君勿深桑梓眷

午日登虎丘三泉亭

息機巖際雲小亭幽復凱疎篁解籜初趺坐穠  
陰藹泉清午餘汲茗碧春前采點頭石依然說  
法師何在濯澗快泠泠誰能沉陸海斜陽林杪

移新月尊中待栖玄長命術不羨五絲綵

寄都下諸兄弟

高林霜色秋嵯峨吳江水紋披越羅瑤空碧淨  
晚霞赤鴈行前後來何多側身懷人五雲際鶴  
鷁有詩空復哦釣竿牢落煙水澗烏兔荏苒真  
擲梭尺素緘情信來去可堪色笑如山河傳聞  
邊徼烽火惡大江南北驅千戈更敕司農竭籌  
策東徵軸轡西橐駝公車待詔牘千萬暮制曰  
朝鳴鳴珂時哉雋傑各努力燹鼎功伐休蹉跎



男兒生不終巖阿雄心肯付東流波愁來漬酒  
朱顏醜打缺唾壺清夜歌眠中聞鷄奈若何下  
床絕叫舞傴僂

倣香山體代江上美人贈別

輕帆夜迅江風冽江月曉殘人惜別將去不去  
君情深欲言不言妾腸結一曲箜篌一惘然君  
家金馬妾風燵萍踪脉脉從誰問化作行雲薊  
北天

紀聞

妾家樓臺高入雲帝城宮闕氤氳教來姊妹  
能歌舞鳳管龍笙天上聞少年寶馬金銀勒公  
子香車錦繡文朝朝暮暮花月底蟬鬢鴉黃與  
紈綺宛宛羅幃列侍兒盈盈畫閣留仙史誤逐  
行雲擬洛神一身忽墜風煙裏可憐骨肉輕分  
拆頃刻家鄉四千里黛拂雙蛾祇畫愁碧雲羞  
對菱花理華裾空藝舊時香綵鳳隨鴉不如死  
繡衣亭前鷓鴣過使君親見妾滂沱還教萬口  
傳驚訝一朵芙蓉委綠波生來不是羅敷女那



歷代詩選 明陸學 四  
忍終成棄泪羅薄命行逢如意少芳情吐向使  
君多使君自是乘鸞客未許吹笙奈妾何

君馬黃

君馬黃我馬紅黃比吳鈎環上金紅同繡帶桃  
花叢迢迢千里路日日連鑣度掩映一何妍那  
能不一顧青山江上望崔嵬小駟臨風寶策開  
誰人不羨江南道獨是君心冷似灰

涿鹿道中偕婁金和太學戴敬國金吾南  
還戴携新寵有感遠嫁作于歸行慰之

香閣重樓隔煙霧琥珀垂璫玉搖步綽約慵拈  
錦上梭嬌癡那識門前路一朝裝束何單急嫁  
與蕭郎返鄉邑兔絲吐蔓看女蘿天涯敢憚車  
馬澀骨肉牽衣悲莫挽鄰翁歎息鄰姬泣堦前  
瑤樹隨泥塵掌上明珠委原隰出門攬轡歡呼  
駿歡袂連裾去似風羅襦向日紅灼野紈帶迎  
風繡舞空朝朝暮暮從迤邐芳草垂楊幾千里  
遙指他鄉還是家頻催小駟霜蹄駛風來朔北  
號長林黃塵迷道白日陰馬頰車殆行色慘道



傍躑躅淚滿襟艱辛且莫生嗟咄嗟君歡有封  
侯骨君不見江右周郎勲伐高小喬芳譽同  
幾兀又不見呼韓毳帳漢宮人胡沙塞草空  
淪沒

遊虎丘

素懷堪寂寞臨勝也疎狂喜拜清秋月言飛薄  
暮觴樓臺迷碧樾歌管簇妍妝那恤幽巖畔生  
公有講堂

遊甘露寺

眺旺人踪外雲霞几席連兩山何叢爾萬里白

居然磴道培風峻江光入樹先問程還計日指  
點廣陵煙

舍白洋河

岼柳快凝眸黃昏好繫舟河乘天上勢月掛水  
中鈎孫子侍尊酒清言忘旅愁還憐遠帆去南  
國大刀頭

泊荆門聽別舟彈唱

風爐三兩月音問短長亭燈暗棲寒渚絃清響  
隔舸聲疑吳子夜調或雨淋鈴莫唱相思曲羈



歷代詩選  
人不可聽

賦得風沙中馬上婦

黃塵昏雪野白日翳冰天馬怒難成御衣寒似  
不綿輕迷眉黛翠暗奪口脂鮮尚有行雲態亭  
亭獨可憐

秋夕招友人小飲

人言蔣詡徑自道子雲亭老愛花成實閒看鳥  
墮翎井邊螢點石簷外竹窺星良夜好謀醉君  
毋愛獨醒

曉發青谿過柳

旭日破蒼茫蓬窻曉氣涼銀濤天際外金刹水  
中央鷗鷺雙雙近煙雲漠漠長 聖朝多俊乂  
應許季真狂

春日懷整

春色丰茸半懷思千里賒香風披麥浪遲日爛  
桃霞幽事竹方筭遠書燈欲花斜陽看鴈北幾  
點下平沙

自武林之黃鶴歸至龍淵道中言懷



往返厭囂徑雲山眼獨明征帆催迅速鄉樹蚤  
逢迎月鏡紅蕖近風簾白恰輕塵纓無計濯江  
上赴鷗盟

寄幕中諸丈

江閣看新霽晴光散曉霞水流無限態花落有  
餘薰契濶人千里嚶鳴鳥一羣殷勤覓雙鯉搔  
首賦停雲

題松濤圖

磔礪臨岡阜崢嶸拂太清青牛嵩嶺色白馬浙  
江聲虬幹陵煙苑龍鱗帶蘚輕貞心直千載蚤  
結歲寒盟

懷陳四可文學

幽林澹無事午院挹薰風春老殘英在情閒俗  
夢空砌蘭時馥郁簾月晚玲瓏不到山陽信題  
詩欲滿筒

夏日園居寄靜修上人

畏景桐陰外幽眠日欲晡青門足偃仰白社任  
蹉跎小雨潤紅蕖微風皺綠波閒從竹間徑不



藉短筇扶

對月懷友

小庭新夏月澄徹况三秋歷漢明暉濕穿雲彩  
暈浮柳堤窺沼碧竹院借窻幽玄度關山杳誰  
人共倚樓

送別駕兄之潯陽道出信安鰲兒時爲信

安太守

六月南溟息搏風又赤霄王程催客思秋色導  
星輶路馥千林桂江恬萬里潮離愁如候鴈飛

向嶺天遙

林中

水雲天與佚吟嘯就菰蘆屋宅當偏地園林比  
畫圖叢篁容鳥聚馴鶴應人呼靜析南華理端  
居未覺孤

送幼輿姪還朝兼寄在朝兒姪

春風駘蕩短長亭到處芳菲逐使星飛鷁江梅  
吳苑白着鞭煙柳薊門青班隨閭闔聯鷓鷯翼  
向金華比鵲鳩羣從沐恩俱奕世同攄忠悃答



明庭

七月六日王涇阻風

津帆岬柳動參差  
幼出江天景物姿  
案上蓴鱸張翰舫  
座中煙靄謝公詩  
空迷一瞬檣烏色  
豈阻千秋駕鵲期  
正憶小山風月美  
幾多金粟待瑤卮

懷周赤城司理

千林秋靄照平蕪  
小立江臯病色蘇  
未厭征鞍隨駮駟  
可堪漁艇伴旅蒲  
八閩遙矚鄉雲隔  
三泖空懸璧月孤  
廿載太行皮骨在  
更能回首一看無

晚過泗水橋寄蓋兒

柳堤紅映曉霞嬌  
小憶凌晨馬足驕  
睨睨黃鸝遷灌木  
瀾漫碧水帶虹橋  
美人調客花當額  
壯士超羣箭在腰  
南北征塵殊未息  
故鄉休訝帛書遙

出都門馬上有懷

桃林十里弄晴暉  
紅雨因風亂點衣  
鴛渚雲姿



歷代詩選 明陸全卿  
行冉冉鳳城春色自依依垂楊送客還留客去  
馬思歸亦悵歸兩地鍾情惟我輩關河忍見北  
鴻飛

次東阿舊縣同戴敬國潘昭度及鏊小飲

孟氏園

三徑居然背郭開小亭花竹媚幽齋叩門地主  
誰人答何處天風吹客來落日荒城聊息馬看  
雲危石倦登臺濁醪漫慰征塵苦羸得新詞賞  
儁才

鏊上春官曉發金閨言別

長缺歸來短髮存還憐送汝出吳門不妨霜吹  
侵孤艇已有熹光動遠村兩地雲霄看紫氣十  
年燈火共黃昏別離經慣尋常事願取先驅報  
國恩

南雍學舍聞鷄寄鏊

鷄鳴山上曉鷄鳴孤館寒帷客夢驚微道嚴更  
頻報點關山哀笛正停聲飄飄度月通芸屋歷  
歷因風滿帝城黃鳥續催朝旭起着鞭那肯後



歷代詩選  
明  
劉生

丁巳鏊送昭度令蔡州寄詩志喜

芳菲春色動江東  
矯首南州美漸鴻  
高第俊才仍董仲  
少年仙令是文翁  
先登聲價青箱在  
退食風流綵筆中  
願借河陽兩飛寫  
躡雲來看縣花紅

甲子鏊及震子幼輿仲堅姪嗣端姪孫凡五人春試鏊將謁赤城先生于盧龍因賦寄

自携書劍客南州  
不上金臺且十秋  
聞道王師方北伐  
已憑元老借前籌  
旄頭夜暗占胡運  
飛輓時羸克壯猷  
多少棄襦門下士  
欲從金馬佐風流

乙丑鏊與幼輿嗣端偕叨二甲進士志喜  
傳得春宵杏苑聲  
南宮文物畫崢嶸  
千年漠北濡鯤化  
一夜河東聽鳳鳴  
不負可能承世德  
仔肩何以答君榮  
還憐舊燕重來語  
亦似呢喃頌聖明



河畔聞鐘寄兒姪

游逐鳴鷄徹枕頭喚回鄉夢白蘋洲不驚金闕  
千門鎖總續銅壺五夜籌宵宵寒空催落月隆  
隆遙浦控奔流會聽長樂穿花曲島爾幾荆金  
馬遊

晚村

斜日寒平楚迴風落鴈多不  
衰草夕回首望  
黃河

除夕遣懷

何以消殘臘梅花三兩叢長安思客子驛使待  
春風

春雷

澤國雲屯半月陰奔雷一夜動園林沿階草色  
青如許拔地新篁定幾尋

下第南還別諸兄弟

共忻和璧已明眸尚詫明珠却暗投書劍未甘  
狐首計且從劉表客南洲

頑石叔氏詩送兒子北上屬望殷切次韻



歷代詩選  
明陸令明  
三  
奉酬

芳華欲滿上林枝  
南國江梅蚤已知  
春風吹得泥金信  
來報東山折屐詩

舟滯淮南思鄉作

那禁別夢與離魂  
日逐東流赴海門  
籬畔秋深花正好  
不教佳色照清尊

安平驛阻風

水國漫漫路不分  
寒空嘒嘒鴈成羣  
篷窗獨對斜陽岼  
回首黃花隔片雲

經古墓

數句殘碑寄一丘  
悲涼經歷幾春秋  
誰能呼問幽冥客  
曾否當年秉燭遊

九日呈三兄

雲林莫遂老龐思  
風月還傳小謝詩  
歲歲霜戟滿秋萼  
與君斗酒向東籬

題畫竹

楚楚淇園絕垢氛  
下聯白石上青雲  
長安檠戟森如許  
得似幽人伴此君



歷代詩選  
明隆慶  
其二

解籜新英秀可搴薰風搖動碧雲鮮水沉山茗  
酬清晝時送幽香入午簾

其三

歲暮青青照碧流自堪松柏結爲儔凝寒積素  
籠煙月忍負山陰夜半舟

春雨

二月春雷啓蟄龍條風將雨驟林中封姨好爲  
芳華護莫遣枝頭損亂紅

酬朱侍御園林讌集

墻東十載隔人寰野水孤雲澹往還今日醉君  
花月裏却教重憶謝東山

寄端州

水明山秀媚幽居鷗復無機好伴余何日折梅  
天外至呼童取酒擘雙魚



原年信言選一

三





書